

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण रामाल 'चिलोमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

नेपालमण्डल वा नेपाल छु छु ?
उपेश महर्जन - २गुथि विधेयक विरुद्ध थी थी नेतातयगु धा:पु
डा. महेशमान श्रेष्ठ
डा.अजयक्रान्ति शाक्य
गगन थापा -३साहित्य -६
निर्जिरोस श्रेष्ठ
शरद कसा:
श्याम आशागुथि विधेयक विरुद्ध
जगु प्रदर्शनाया थी थी ल्
४-५ पेज

माइतीघर मण्डलाय गुथि विधेयक विरुद्ध एकीकृत प्रदर्शन

नेवा: ध्वाँय, थ:थ:गु ब्यानरलिसें मंका: प्रदर्शन याय्त आहवान

लहना संवाददाता

कन्हय असार ४ गते बुधवा: येँया फिब्व ख्य: अर्थात माइतीघर मण्डलाय गुथि विधेयक विरुद्ध त:जिक प्रदर्शन याइगु जगु दु । थुगु प्रदर्शन आ:तकया दुने गुथि विधेयक विरुद्ध आन्दोलनय कुहां वयाच्वंगु संगठनतयगु व मोर्चातयगु मंका: प्रदर्शनकथं जुइल्यंगु ख: । प्रदर्शनय यक्व हे मनूत स्वत: स्फूर्त रुपं पिहांवइगु जुया: न्यास:मह स्वयम् सेवक परिचालन यायगु, ल:या व्यवस्था यायगुलिसें माइकया व्यवस्था यायगु तयारी या:गु दु ।

वर्तमान सरकारं गुथि विधेयक गुकथं सरोकारवाला पक्षलिसे विना सहलह, विना सहमतिकथं राष्ट्रियसभा व प्रतिनिधिसभाय यंकल, उकिया विरोधय नेवा:तयसं त:जिक आन्दोलन याना वयाच्वंगु ख: । आन्दोलनया इवलय येँया पहिचान व सम्पदाप्रेमि ल्यायुम्हतयसं थ:गु हे कथंया संघर्ष समिति नीस्वना: सक्रिय जुया: न्हयान्हिथं सतकय कुहां वयाच्वंगु दुसा अथे हे यलय नं जातीय समाजत जाना: मंका: संघर्ष समिति दयका: आन्दोलनया ज्याइव: पित बियाच्वंगु दु । यलय इलंढ:मह नेवा:तयसं गुकथं प्रदर्शन यानाक्यन, उकिं

ओली सरकारं गुथि विधेयक संसदं लित मकातले थ:पिनिगु आन्दोलन
दीमखु व वार्ताय नं मचवनवेगु आन्दोलनकारीतसें धयाच्वंगु दु ।

याना: आन्दोलनय हाकनं छू न्हूगकथंया लिचव: लाकेत ता:लानाच्वंगु दु । थ्व हे इवलय यलय त:जिक मसाल जुलुस तर्क पिहांव:गु ख: ।

अथे हे येँय नं ज्यापु महागुथिया संघर्ष समितिपाखे नं इलंढ:मह मनूत छक्कलं सतकय क्वकया: प्रदर्शन या:गुलिं अभ्र सकलें उत्साहित जगु दु । आ:तकया दुने

यलय व येँय जगु तत:धंगु प्रदर्शनया नापनापं तोखा, किपू व थीथी थासय तर्क मंका: संघर्ष समिति नीस्वंगु दुसा ख्वप, थिमि नापं नेवा:तयगु वस्ति वस्तिइ आन्दोलित जुयाच्वंगु दु ।

गबलय तक ओली सरकारं गुथि विधेयक संसदं लित काइमखु, अबलय तक थ:पिनिगु आन्दोलन दीमखु व


वार्ताय नं मचवनवेगु आन्दोलनकारीतसें धयाच्वंगु दु । थ्व हे इवलय असार ४ गते बुधवा: फिब्व ख्य: अर्थात माइतीघर मण्डलाय जुइगु प्रदर्शनयात व्यवस्थित यायगु निति गुथि विधेयक विरुद्ध संयुक्त संघर्ष समन्वय समितिया ग्वसालय म्हीग आइतवा: आन्दोलनय सक्रिय जुयाच्वंगु संगठनया प्रतिनिधिलिसें संघर्षय कुहां वयाच्वंगुपिनिगु दथुइ सहलह मुँज्या या:गु दु । उगु सहलह मुँज्याय नेवा: न्हयलुवा नापं जनकवि दुर्गालाल श्रेष्ठ, नेवा: न्हयलुवापिं नरेश ताम्रकार, राजभाइ जक:मि, सुजीव बज्राचार्यपिन्सं न्ववानादीगु ख: । श्रीकृष्ण महर्जन न्हयाकादीगु उगु सहलह मुँज्याय थीथी जिल्लापाखे नेतृत्व यानादीपिं ल्यायुम्हतनिसें भाषिक आन्दोलनय दुपिं ब्यक्तिपिन्सं न्ववानादीगु ख: । उगु सहलह मुँज्याय ४ गते तकया निति छुंनं कथंया वार्ता पुच: मदयकेगु, विधेयक लित मकातलय वार्ताय मवनेगु, ४ गतेया प्रदर्शनयात शान्तिपूर्ण व अनुशासित प्रदर्शन यायगु, नेवा: ध्वाँय नापं थ:थ:गु ब्यानर ज्वना ब्वति कायगु, राजनीतिक पार्टीतयत थ:थ:गु ध्वाँय ज्वना मवयत इनाप यायगु, उगु प्रदर्शनय निश्चित नारात जक थ्वयकेगु तर्क क्व:छ्यगु ख: ।

त्यं ७ पेजय

सरकारं गुथि विधेयकयात कया: छु याइ ?

येँ । सरकारया नेतृत्व यानाच्वंगु दलया नेतात, सांसदनिसें मन्त्री व प्रधानमन्त्री तर्क गुकथं गुथि विधेयकयात कया: ब्यागलं ब्यागलं अभिव्यक्ति बीगु ज्या जुल, उकिं याना: सरकारयात तसकं ज्या मछिनाच्वंगु अवस्था दु धइगु स्पष्ट जुयाच्वंगु दु । प्रधानमन्त्री छवा:यंकया यूरोप भ्रमण यानादीगु इलय विकसित जगु विधेयक विरुद्ध आन्दोलनयात कया: नेपा: लिहां वय वं हे विमानस्थलय कमि कमजोरीयात भिंका: विधेयक संशोधन यायगु सार्वजनिकरुपं न्ववानादीगु दु । तसकं अडानय च्वनादीमह प्रधानमन्त्री केपी शर्मा ओली थुकथं अभिव्यक्ति बियादीगु धइगु वास्तवय गुथि विधेयक विरुद्धया आन्दोलनया कारणं ओली सरकारयात ज्यामछिगु अवस्था हे व:गु धायफइगु अवस्था दु ।

मन्त्रीत मध्ये सरकारया हे प्रवक्ता नापं सूचना तथा सञ्चारमन्त्री गोकुल बास्कोटां गुथि धइगु सामन्तवादी ख: धका: न्ववानादीगु, छम्ह सांसदं भाडाया गुण्डात हया: आन्दोलन यानाच्वन धयादीगु, व हे मन्त्रीया राजीनामा नेपाल कम्युनिष्ट पार्टी (नेकपा)या हे सांसद रामवीर मानन्धरं माग यायगु दु ।



मन्त्रीत मध्ये सरकारया हे प्रवक्ता नापं सूचना तथा सञ्चारमन्त्री गोकुल बास्कोटां गुथि धइगु सामन्तवादी ख: धका: न्ववानादीगु, छम्ह सांसदं भाडाया गुण्डात हया: आन्दोलन यानाच्वन धयादीगु, व हे मन्त्रीया राजीनामा नेपाल कम्युनिष्ट पार्टी (नेकपा)या हे सांसद रामवीर मानन्धरं माग यायगु दु ।

गुण्डात हया: आन्दोलन यानाच्वन धयादीगु, व हे मन्त्रीया राजीनामा नेपाल कम्युनिष्ट पार्टी (नेकपा)या हे सांसद रामवीर मानन्धरं माग यायगु, वार्ताया निति सरोकारवाला पक्षया

त्यं ७ पेजय

तान्व:या पासा
कुल्फी
भापिया दिसँ ।
Himalayan
Ice

धौ दुरु ध्य: बटर व
क्रिम बजारय उपलब्ध दु

सुर्खेतवायक नगरपालिका, वडा नं.: १, सिरुटार धन्सार, ख्वप
९८४२३५३७५९, ९८९३३४९०९५, ९८७८६८७८२५

बाल हेल्पलाइन-नेपाल

कहाँ पनि बालबालिका

हेल्प, शिसा दुर्लभवायर, परिचरका, श्रम वा जीवन लोभण जदिथ
हराय, फेल परे, दुर्घटना, अज्ञान-बजार, अपहरण, जोखिमअ परे वा कसनुकी
हवा कजोसालाजिक सहयोग आवश्यक परे १०९८ ला कलपर्व जरी ।

पैसा नलाउने फोन
१०९८
(दश-नौ-आठ)

काठमाडौं विराटनगर पोखरा इटहरी नयाँबजार
०१-४२५६६०० ०१-४२५६६०० ०१-४२५६६०० ०१-४२५६६०० ०१-४२५६६००

१०९८ (दश-नौ-आठ)

सम्पादकीय



नेवाःतय्गु अग्निपरीक्षा

सरकारं दुई तिहाईया दम्भ क्यनाः गुथि विधेयक २०७५ संसदय् न्ह्यब्वयाः उकियात पारित यानां त्वःतेगु मनसाय तयाः न्ह्यःने वःगु दु । थुगु विधेयकपाखें स्विनिगःलिसे नेपाःया थीथी थासय् गथे कि जानकी मन्दिर, जनकपुर, स्वर्गद्वारीलिसेया गुथिया नामय् दुगु जग्गा सरकारीकरण यानाः थुकियात थःपिनिगु आधिपत्य कायम याय्गुकथं न्ह्यज्याःगु खनेदु । अफ् परम्परानिसें न्ह्याना वयाच्वंगु गुथि प्रणालीयात न्ह्यागु नं थः अनुकूल मजुइवं सामन्ती खनीपिं कम्प्यूनिष्टसें सामन्ती प्रणाली धकाः नां बियाः थुकियात अन्त याय्गु धकाः अभिव्यक्ति बियाच्वंगु दु । गुथि प्रणाली छु खः ? स्विनिगःया संस्कृति, सभ्यता गुकथं संरक्षण, सम्बर्द्धन जुयाच्वंगु दु ? थुकी गुथिया गजाःगु भूमिका दु धइगु तर्क अध्ययन मयासें जग्गा भवा अप्वः खनेवं हे थुकियात सामन्ती खंकाः थःगु आसेपासेतय् बीगु मनसाय तइपिं तथाकथित प्रगतिशीलपाखें तसकं हे सजग जुइमाःगु खनेदु ।

जुइफु, गुथिया नामय् गुलिस्थां सामन्तीकथं न्ह्याकाच्वंगु नं जुइफु । सायद थजाःगु हे परम्परा दुगुलिं नेपाःया परिचमय् च्वंगु दाज्य थुगु विधेयकयात कयाः समर्थन याःगु नं जुइफु । तर अनया गुथि प्रथा व स्विनिगः लिसें थीथी थासय् थःगु संस्कृति, कला, सम्पदायात संरक्षण सम्बर्द्धन याय्गु तातुना नीस्वनातःगु गुथिया तात्त्विक भिन्नाता छु दु धइगु नं अध्ययन याय् माःगु दु । मात्र गुथि धाय्वं छु हे कथंया दृष्टिकोण स्वयाः स्विनिगःया जग्गायात कब्जाय् कयाः थनया आदिवासी नेवाःतय् विस्थापित याय्गु ज्या कदापि नेवाःतसें स्वीकार याय् फइमखु ।

गुथिया जग्गा राष्ट्रियकरण यात धाःसा थनया संस्कृतिया अवस्था गथे जुइ धकाः स्पष्ट जुयाच्वंगु दु । नेपाःया संस्कृतिया धरोहरकथं जुयाच्वंगु बुंगद्यःया जात्रा, यैया जात्रालिसें थीथी जात्रा न्ह्याकते गुलि गुथिया आवश्यक जू, उकिया समन्वय गुकथं जुयाच्वंगु दु धइगु खँयात थुइकेमाःगु दु । अलय् पिनें वःपिं मनुतसें थनया परम्परायात मथुइकसें गुथी कब्जा यानाः थनया संस्कृतियात न्हंकेगु बाहेक मेगु छु जुइ ले ? थुकिया ज्वलन्त उदाहरणकथं स्विनिगलय् दुगु थीथी सम्पदाय् कब्जा यानाः सरकारं थःगु भवन दय्केगु, सार्वजनिक जग्गाया महत्व मथुइकसे उकियात न्हंकाः भूमाफियात बीगु व कामिशन नय्गु ज्या जुयाच्वंगु छायाँदेवी कम्प्लेक्स खः, गन नेवाःतय्गु नांजाःगु पुखू खःसा व भूमाफियातय्गु लहाती लाःसां नं सरकार सुम्क च्वनाच्वंगु दु । बालुवाटारया जग्गाय् नेकपाया वरिष्ठ नेतातय्से न्यानाः थःगु नामय् याःसां नं थुकियात कारवाही याय्मफूगु सरकारं गुथिया जग्गा कब्जा यानाः छु थः आसेपासेतय् तःमि याय्गु कुतः जर्क मखु ला ? यदि सम्पदा रक्षा याय्गु धाथे मनसाय दुगु खःसा नेपाःया धरोहर जुयाच्वंगु लानीपुखूया अवस्था स्वयां नं मन स्याय्माःगु खः । तर थथे मजुसे अफ् अन नं व्यापारिक कम्प्लेक्स दय्के दुसा ज्यू धइगु मनसाय जक दुगु खःला धइगु न्ह्यसः तःसां थ्व अस्वभाविक मजुइधुकल । मखुसा आःतक लानीपुखूया हालत छाय थथे जुयाच्वन, जब कि थः प्रधानमन्त्री जूबलय् हे पुनःनिर्माण याय्धकाः शिलान्यास तर्क याःगु खः । उकिं थजाःगु ज्यां यानाः सरकारया नियति छु खः धकाः मनुत अनभिज्ञ मजू । उकिं थुगु विधेयकयात कयाः विरोधया मि गुनुगु च्यानावंगु खः ।

स्विनिगलय् च्वीपिं आदिवासी नेवाःतय्गु जक मखु, देशया आदिवासीपिनिगु अधिकार राज्यसत्तां तापाका यंकेगु ज्या जुयाच्वंगु दु । प्रशासनिक क्षेत्रय् जुइमाः वा मेमेगु क्षेत्रय् नेवाःतय् विस्थापित यायां वनाच्वंगु दुसा आः वयाः नेवाःतय्गु गुथिइ हस्तक्षेप यानाः नेवाःतय् विस्थापित याय्गु षडयन्त्र जुयाच्वंगु दु । उकिं फुकक नेवाःत छधी छपे छधी जुयाः थुकिया प्रतिकार याय्माः । आः नेवाःतय्गु अग्नि परीक्षया ई वःगु दु । थुकियात नेवाःतसें गुकथं सामना याइ, इलं हे क्यनी ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोर्छे, यै

lahana.news@gmail.com

नेपालमण्डल वा नेपाल छु खः ?

स्वतन्त्र यूरोपेली देस लकजम्बर्गया राजधानी लकजम्बर्ग खःसा बेल्जियमया छगू प्रान्तया नां नं लकजम्बर्ग दु । स्वतन्त्र देय् लकजम्बर्ग स्वयां नं बेल्जियमया लम्जम्बर्ग डेढ गुना तःधं । थुगु देसय् देसय् ज्वःलाःगु नां दुगु प्रदेश, राज्य, राजधानी व देस स्वीकार्य जुइगु, नेपालय् छाय् मजुइगु ?



उपेश महर्जन

थौं कन्हय् दकलय् अप्वः चर्चा जुयाच्वंगु प्रदेश खः, ३ नम्बर प्रदेश । थ्व अर्थे चर्चा जूगु धाःसा पक्का हे मखु । छू ला थ्व केन्द्रीय राजधानी दुगु प्रदेश खः । मेगु थ्व थनया रैथाने जाति न्ह्याकले सत्ता व सरकारी विरुद्ध लानाच्वनीगुलिं नं छू नं छू त्वहःया विषय जुयाच्वनीगु खः ।

संघीय राजधानी दुगु प्रदेश नं. ३ थः हे चर्चा जुयाच्वनीगु कारण थ्व नं खः कि थ्यंमथ्यं निसःगू देय् दुगु हलिमय् छू हे राजधानीइ न्हयू विश्व सम्पदाया धलखय् दुथ्यानच्वंगु दु । व थनिं स्वसःदं स्वयां न्हयः विश्वय् दुगु शहरीकरणया सभ्यताय् मेसोपोटामिया, पर्सिया, ग्रीस, इजिप्ट, माया, गंगा, चिनियाँतय्गु तुलनाय् यै स्विनिगः व थुकिया जःखःया सभ्यता अर्थात नेपालमण्डलपाखें म्हसियाच्वंगु दु । पूर्वी देसय् थुकियात नेपा सभ्यता नं धाइगु खः । वास्तवय् थ्व नेपालमण्डलय् दुगु नेवाः जाति व नेवाः जातिलिसें मिले जुयाः च्वनाच्वंगु जाति भोटे, तामाड्या आदि थाय् नं खः ।

थुकिया जःखः च्वनाः थौं कन्हय् प्रदेश नं. ३या नां छु तःसा पाय्छि जुइ, जातीय पहिचानयात आधार मानय् याय्गु कि, सामर्थ्यया हे आधारय् नेपालय् संघीयता पलिस्था जुइधुकुगुलिं जातीय पहिचान मखु, सामर्थ्यया आधारय् नं छुइगु खः कि धइगु बहस जुयाच्वंगु दु । प्रदेश नं ३ य् जातीय ल्याखं नेवाः -नेपालभाषा न्ववाइपिं) १७० प्रतिशत व तामाड भाषा न्ववाइपिं २२० प्रतिशत दुगु व मेमेगु भाषा न्ववाइपिं अप्वः मदुगुलिं नेवाः ताम्बालिड तय्माः धइगु सः पुलापिं माओवादी व संघीय समाजवादी पार्टीया आदिवासी व गैर आदिवासीतसें सः थ्वय्का वयाच्वंगु दुसा मेखे नेवाः सभासदतय्गु छू पुचलं नेपालमण्डल ऐतिहासिक कालखण्डय् लिच्छवी व मल्ल जुजुपिन्सं सत्ता न्ह्याकेधुकुगुलिं व नां पाय्छि जुइगु तर्क न्ह्यब्वयाच्वंगु दु । थ्व निगुलिं तर्क नेपाल कम्प्यूनिष्ट पार्टीया सांसदतसें तया वयाच्वंगु दुसा विशुद्ध क्षेत्रीय पहिचानय् नं थुगु पार्टीया सांसदतसें लविड याय्गु ज्या न्ह्याकेधुकुगु दु ।

नेपाल देशया राजधानी दुगु प्रदेशया नां नेपालमण्डल तय् मजु । थुकिं अन्यौलता ब्वलंकी, संघीयताया मर्मकथं जुइमखु । लिपा वनाः नेपालमण्डल जक नेपाल जुइ व मेमेगु क्षेत्र (खुगुलिं प्रदेश)यात भारतलिसेया जःलाखःला देसं कुचा थला विलय यानाबी धइगु दृष्टिकोण सार्वजनिक जूगु दु । नेपालमण्डलया पक्षय् दुगु पुचलं इतिहासया फुकक तर्क व ऐतिहासिक दस्तावेजया ल्वाभःकथं न्ह्यब्वय्धुकुगु अवस्थाय् उखेपाखें दिमाग चाःहिकाच्वनेगु उलि पाय्छि जुइमखु । नेपालय् नेपालमण्डल वा नेवाः ताम्बालिड न्ह्यागु अवस्थाय् नं पाय्छि जू । निगुलिं

नं थनया आदिवासी जनजातियात छू हे सूत्रय् हनाः छाय्पीगु ज्या याय्फु । नेपालमण्डल छु नं मामिलाय् बांमलाःगु व खतरया चिं धाःसा मखु ।

नेपालमण्डलयात कयाः फरक कोणपाखें भूमिका च्वयाच्वनागु इलय् विश्वय् प्रचलनय् दुगु छुं देसया नांयात भीसं सामान्य ज्ञान ब्वनेबलय्, लोकसेवाया तयारी याय्बलय् थजाःगु व थुकिलिसे ज्वःलाःगु यक्व हे नां कण्ठ याय्गु याना । हलिंया उदाहरण बी न्ह्यः नेपाःलिसे लिक्क लाःगु नां गथेकि नेपालटार, नेपालथोक, नेपालगञ्ज आदि नेपाललिसे हे स्वानाच्वंगु नां खः । थुगु नाम देशया नांयात अवमूल्यन याःगु मदु । भन्ने नेपाःयात अफ् क्वातुकेगु ज्या जूगु दु । थजाःगु परिप्रेक्ष्य न्हापा थुगु हे प्रदेश दुने लाःगु फुकक जिल्ला दुथ्याःगु नेपालमण्डल हे पाय्छि खनेदु ।

जातीय पहिचानयात थुकिं प्रतिनिधित्व मयाःसां नं ऐतिहासिक, सांस्कृतिक व सभ्यतालिसे स्वाय्गु ज्या धाःसा पक्का हे याःगु दु । थ्यंमथ्यं स्वंगू प्यंगू दर्जन देसय् देशया नां व राजधानीया नां अथे अथे हे दु । देस व राजधानीया नां जक मखु, निगू

राजधानी मोनाको हे । हलिमय् दकलय् चिधंगु व भुपरिवेष्ठित देस भ्याटिकन सिटीया राजधानी भ्याटिकन सिटी हे । ग्वाटेमालया राजधानी नं ग्वाटेमाला सिटी, अथे हे गिन्नी विसाउया राजधानीया नां बिसाउ खः ।

अथे हे यूरोपेली देस अष्ट्रिया व दकलय् चिधंगु महादेस अष्ट्रेलियायात हे स्वय् । अफ्रिकी देस नाइजर व नाइजेरियायात म्हसीके । अफ्रिकी देस माली व मालिबिसया राजधानी माले थ्यंमथ्यं अथे अथे हे ज्वःलाः । मेक्सिकोया राजधानी मेक्सिको सिटी, कुबेतया राजधानी कुबेत सिटी, अण्डोरा देसया राजधानी अण्डोरा ला भिल्ला व पानामाया राजधानी पानामा सिटी खः । अथे हे अल्जेरियाया अल्जियर्स, ब्राजिलया ब्रासिलिया, द्यूनिस्सियाया द्यूनिस्स खः ।

संयुक्त राज्य अमेरिकाया छू प्रदेश व यूरोपेली देसया नां नं छुं छुं ज्वःलाः । गथे कि जर्जिया । अमेरिकाया छू प्रान्तया नां जर्जिया खःसा थ्व हे नां दुगु देस यूरोपय् दु । च्वय् न्ह्यथनेधुनागु स्वतन्त्र यूरोपेली देस लकजम्बर्गया राजधानी लकजम्बर्ग हे खःसा उकिया जःलाखःला देय् बेल्जियमया

हलिमय् छुं छुं थजाःगु देस दु, गुकिया उच्चारण व हिज्जे ज्वःमलायवं छु देसयात धाय्त्त स्वःगु खः सी दइमखु । पहिचानया खं ल्हाय्बलय् जनसांख्यिक, ऐतिहासिकता, भाषिक, जातिगत व क्षेत्रगतया आधार मानय् याय्गु खःसा भीगु जःलाखःला देस भारत व पाकिस्तानय् यक्व हे ज्वःलाःगु क्षेत्र व प्रदेश दु । गथे कि भारतय् जम्मू काश्मिर दुसा पाकिस्तानय् नं काश्मिरय् दु । भारतय् पञ्जाव प्रान्त दुथें पाकिस्तानय् नं पञ्जाव प्रान्त दु ।

दक्षिण एशियायात त्वःताः मेमेगु देसया इतिहासयात स्वय्गु खःसा थजाःगु यक्व हे दसु लुइकेफइ । गथे कि विकसित देस सिंगापुरया राजधानीयात नं सिंगापुर हे धाइ । जिबुटी देसया राजधानी जिबुटी हे, सान मारिनोया राजधानी सान मारिनो हे । अथे हे लकजम्बर्गया लकजम्बर्ग व मोनाको देसया राजधानी मोनाको हे । हलिमय् दकलय् चिधंगु व भुपरिवेष्ठित देस भ्याटिकन सिटीया राजधानी भ्याटिकन सिटी हे । ग्वाटेमालया राजधानी नं ग्वाटेमाला सिटी, अथे हे गिन्नी विसाउया राजधानीया नां बिसाउ खः ।

फरक फरक देसय् नं छू हे कथंया नां दुगु यक्व हे दसूत दु ।

हलिमय् छुं छुं थजाःगु देस दु, गुकिया उच्चारण व हिज्जे ज्वःमलायवं छु देसयात धाय्त्त स्वःगु खः सी दइमखु । पहिचानया खं ल्हाय्बलय् जनसांख्यिक, ऐतिहासिकता, भाषिक, जातिगत व क्षेत्रगतया आधार मानय् याय्गु खःसा भीगु जःलाखःला देस भारत व पाकिस्तानय् यक्व हे ज्वःलाःगु क्षेत्र व प्रदेश दु । गथे कि भारतय् जम्मू काश्मिर दुसा पाकिस्तानय् नं काश्मिरय् दु । भारतय् पञ्जाव प्रान्त दुथें पाकिस्तानय् नं पञ्जाव प्रान्त दु ।

दक्षिण एशियायात त्वःताः मेमेगु देसया इतिहासयात स्वय्गु खःसा थजाःगु यक्व हे दसु लुइकेफइ । गथे कि विकसित देस सिंगापुरया राजधानीयात नं सिंगापुर हे धाइ । जिबुटी देसया राजधानी जिबुटी हे, सान मारिनोया राजधानी सान मारिनो हे । अथे हे लकजम्बर्गया लकजम्बर्ग व मोनाको देसया

दक्षिण क्षेत्रया छू प्रान्तया नां नं लकजम्बर्ग दु । अलय् स्वतन्त्र देय् लकजम्बर्ग स्वयां नं बेल्जियमया लम्जम्बर्ग डेढ गुना तःधं । थुगु देसय् देसय् ज्वःलाःगु नां दुगु प्रदेश, राज्य, राजधानी व देस स्वीकार्य जुइगु, नेपालय् छाय् मजुइगु ?

च्वय् न्ह्यथनागु दसु स्वयां नं नेपाःया थौं कन्हय्या परिप्रेक्ष्य पहिचानय् आधारित बोस्निया हर्जगोभिनियाय् क्षेत्रगतकथं निगू प्रदेश दु । छू फेडरेशन अफ बोस्निया हर्जगोभिना (गुगु संघीयताय् आधारित दु ।) व मेगु रिपब्लिका स्पावर्स (एकात्मक राज्य) । बोस्निया हर्जगोभिनिया धाल धाःसा पूर्वक देसयात हे काइगु खःसा फेडरेशन अफ बोस्निया हर्जगोभिनिया धाल धाःसा व उगु देसया छू प्रदेशकथं थुइकी । हलिमय् खनेदुगु थ्व व थजाःगु राजनीतिक प्रशासनिक नांयात दुवाला स्वय् बलय् छु नेपालय् 'नेपालमण्डल' नां सम्भव मजुइला ? अवश्य नं सम्भव दु ।

संविधान्य दूगु मौलिक हक्य राज्यसत्तां हे हस्तक्षेप



डा. महेशमान श्रेष्ठ

संयोजक, गुथि विधेयक विरुद्ध संघर्ष समन्वय समिति

नेपा:या संविधान्य मौलिक हककथं धार्मिक सम्प्रदायतयत्त धार्मिक थाय्, गुथि सञ्चालन व संरक्षण यायगु निति हक बियात:गु दु। मौलिक हकयात मेगु छुं न कानूनं त्वा:थले फइमखु। थजा:गु मौलिक हकयात कया: संसदय् विधेयक हया: थुकियात पारित यासे संविधानं बियात:गु मौलिक हकयात मचाय्क हिलेगु ज्या यायगु कुत: याय्त्तगु खनेदु।

संसदय् दर्ता जूगु विधेयक गुथिया हक, जिम्मेवारी फुकक गुथ्या:तयगु मज्जे प्राधिकरण नीस्वना: उकियात ल:ल्हाय्त्तगु दु। गुथि उकी दुने दुपिं गुथ्या:तयत्त गुलि माया दइगु ख:, स्वभाविककथं मेपिन्त उलि माया दइमखु। गुथिइ च्वीपिं गुथ्या:तयत्त यक्व हे अधिकार बियात:गु दु, गथे कि गुथिलिसे स्वापू दुगु थाय्, तिसाया अधिकारलिसे थुकियात संरक्षण यायगु अधिकार। थजा:गु अधिकार निजीकरण जुइधुंका: मदइगु स्वभाविक ख:।

आ: संसदय् दर्ता जूगु थुगु विधेयक पारित जुल धा:सा गुथिलिसे सम्बन्धित फुकक थजा:गु अधिकार गुथ्या:तयत्त दइमखु। स्वत: समाप्त जुइ। अर्थात गुथिलिसे गुथ्या:तयगु छुं न स्वापू दइमखु। थ्व धइगु गुथियात हे न्हंका छवय्गु ख:। गुथि सञ्चालन यायगु अधिकार फुकक राष्ट्रियकरण जुल धा:सा थ्व लिसे सम्बन्धित जग्गा, तिसालिसे फुकक धनसम्पत्ति न राष्ट्रियकरण जुइगु ख:।



थथे जुल धा:सा गुथिया नामय् दुगु जग्गा म्हाय् यात बचिछ बीगु ज्या जुइ। वा फुकक बीगु ज्या जुइ। व जग्गा म्हाय्तयत्त स्वयां न भूमाफियातसें चलखेल याना: थ:गु ल्हातिइ लाका: प्लटिड याना: मीगु बाहेक मेगु ज्या जुइमखु। थुकिं याना: संस्कृतिया त:मि धयाच्वंगु भीगु संस्कृति न्ह्याके फइमखु अर्थात न्हनावनीगु जक ख:।

अथे हे मेगु धइगु प्राधिकरण नीस्वनेधुंका: थुकियात कर्मचारी आवश्यक जुइगु ख:सा थुकी भर्ना याइपिं धइगु फुकक थ: मन्त ख:। थुकिंयाना: थन नेवा:तयगु गुथि लाका कया: नेवा:तयगु संस्कृति न्हंकेगुया नापनापं थनया आदिवासी नेवा:तयत्त विस्थापित याय्गु, पहिचान मदय्का छवय्गु ख:। दकलय् त:धंगु आपत्ति धइगु थुगु विधेयक दय्केगु निति गुथिया गुथ्या:त नाप सहलह हे मया:गु ख:। गुथिया अवस्था अले गुथिया प्रणाली अर्थात सिस्टमयाबारे स्पूनिं धइगु गुथ्या:त हे ख:। उपलिसे सहलह हे मयासे कर्मचारीत जक च्वना: थ: य:य:थे कानून दय्केत्येगु ख:।

थ्व धइगु थनया आदिवासीपिन्त हेपे या:गु

ख:। छुं न विरोध मया: धका: थुकथं विधेयक हयगु ज्या जूगु दु। राज्यसत्ता हे हस्तक्षेप याय्गु ज्या जूगु दु। स्वनिग:या जग्गा जमीन, लजगा:, प्रशासन फुकक गैर आदिवासीपिनिगु जुइधुंकां दु। राज्यसत्ताय् नेवा:तयगु पहुँच मदय्थुकल। ब्यापार मेपिन्स लाका काय्थुकल। काय्गु छुं मन्त। आ: वया: नेवा:तय्के ल्यं दनीगु गुथियात न लाका कया: नेवा:तयत्त पितिनाछवय्गु कुत: या:गु दु। थुकियात कया: भी सकलें सचेत जुइमा:गु दु।

थुगु विधेयकयात कया: स्वत: स्फूर्तकथं विरोधय् वयाच्वंगु दु नेवा:त। वय् हे माल, भी नेवा:तयगु अस्तित्वयात हे हस्तक्षेप याय्त्त स्व:गुलिं। उकिं थाय्थासय् विरोधया ज्याइव: जुयाच्वंगु दु। थ:थ:गु थासं विरोध, पम्प्लेट, ब्यानर तयगु ज्या जुयाच्वंगु दुसा बुलुहुँ नेवा:त थ:गु पहिचानयात कया: दनाव:गु दु।

थ्व हे इवलय् मंका: विरोधकथं वइगु बुधवा: असार ४ गते सुथिसिया ११ता: इलय् माइतीघर मण्डलाय् त:धंगु प्रदर्शनया नापनापं विरोध सभा नं याइगु जूगु दु।

गुथि विधेयक सामाजिक परम्परा अ:ख:



डा.अजयक्रान्ति शाक्य

सांसद नेकपा

गुथि विधेयक विरुद्ध आन्दोलन न्ह्यानाच्वंगु इलय् सत्तारूढ नेपाल कम्युनिस्ट पार्टीया यँया सांसदीपं न थुगु विधेयकया विरुद्ध स: तयगु शुरु या:गु दु। थ्व हे इवलय् प्रदेश नं. ३या सांसद डा. अजयक्रान्ति शाक्यं गुथि विधेयक भूमाफिया व भ्रष्ट कर्मचारीतयगु षडयन्त्रपाखें व:गु धका: गुथि विधेयक विरुद्ध स: तयादीगु दु। प्रदेशसभाया दुज: डा. शाक्यं २३, २४ व २६०या दफायात कया: तसकं असन्तुष्टि प्वंकादीगु दु। सांसद शाक्यं थगु बुँदा संशोधन मयायगु ख:सा लिच्छवीकालनिसें न्ह्यानाच्वंगु सामाजिक, साँस्कृति व धार्मिक परम्परायात क:धाना वयाच्वंगु गुथि प्रणाली आ: न्हना वनीगु तर्क धयादिल।

वय्कलं परम्परानिसें न्ह्याना वयाच्वंगु गुथि आ: वय्त्तगु विधेयक गथे ख: अथे हे संसद पारित जुल धा:सा सामाजिक परम्परा, संस्कृति व धर्म फुकक हे मदयावनीगु नं धयादिल।

विधेयकया दफा २३(१) थुगु ऐन शुरु जुइ न्ह्य: हे छुट गुथि व सार्वजनिक गुथि ऐन प्रारम्भ जुल कि स्वत: राजगुथिइ परिणत जुइ धका: न्ह्यथनात:गु दफायात संशोधन याय्मा:गु आवश्यक दुगु डा. शाक्यया धापू ख:। अथे हे उपदफा (१)य् राजगुथिइ परिणत जुइगु छुट गुथि व सार्वजनिक गुथिया चल अचल सम्पत्ति, जायजेथा, द्य:पिनिगु प्रतिमा दुपिनिगु गुथियारया हक व दायित्व प्राधिकरणया जुइगु विधेयकय् न्ह्यथनात:गु बुँदा न संशोधन याय् मा:गु डा. शाक्यं धयादीगु दु। सांसद शाक्यं गुथिया नामय् जुइगु भ्रष्टाचारयात अन्त्य याय्गु एनया आवश्यक जूगु धयादिसें थुगु विधेयक भूमाफिया व भ्रष्ट कर्मचारीतयगु षडयन्त्रपाखें व:गु खनेदुगु नं धयादीगु दु।

म्हिग:या बुटवलया सुकुम्बासीं थौं बालुवाटारया जग्गा न्यात



जगज थापा

सांसद नेपाली कांग्रेस

थ: व मां अबु न्हापां सोलखुम्बुपाखें अवसर मालेगु निति यँ वयागु ख:। जि थन हे

जन्म जूगु जुया: थनया वातावरण्य् ब्वलन। जिगु छेंज:पिनिगु भाषा, संस्कृतिपाखें जित: प्रभाव लाइगु ला स्वभाविक हे जुल, तर थन स्वनिगलय् च्वीपिं नेवा:तयगु संस्कृतिपाखें नं जि तसकं हे प्रभावित जुल।

थ: मचाबलय् थन बाजं थाना:, बाँसुरी पुया: वइगु तसकं य: व ब्वीय वना स्व: वनेगु ख:। थुगु भाषा, साहित्य, कला, संस्कृति सरकार संरक्षण, सम्बर्द्धन यानाच्वंगु थें ता:गु ख:। लिपा जि थुयावल कि थ्व ला थनया रैथाने आदिवासी नेवा:तसें थ:पिनिगु गुथि याना: थ्व फुकक ल्यनाच्वंगु जुयाच्वन।

लिपा बुलुहुँ बुलुहुँ थनया जात्रा पर्व, थनया संस्कृति थ:गु हे ताल। आ: नं जि निम्ह म्हायाय् दु। उमित नं थन जुइगु जात्रा,

पर्व यक्व हे क्यने हया। उकी मध्ये नं यँया: अर्थात ईन्द्रजात्रा, जनबहा:द्य:या रथ सालीगु जात्रा क्यनेगु याना। जिं मस्तयत्त नं धाय्गु यानाच्वना कि थ्व जात्रा पर्व भीगु हे शान ख:। थ्व हे भीगु म्हासीका ख:, सभ्यता थ्व हे ख:, अलय् भीगु अस्तित्व नं। थ्व मन्त धा:सा थनया म्हासीका जक मखु, भीगु देसया म्हासीका व पहिचान ल्यनी मखु।

स्वनिगलय् च्वीपिं आदिवासी नेवा:तसें पिने वइपिन्त थ:कथं नाला काय्गु या:। अथे ख:सा भीसं न थ:कथं नालेम्वा: ला सम्माननीय प्रधानमन्त्री जु ?

थ्व संविधानं स्पष्ट धाइ, गुथियात कया: छुं न कथंया संविधान दय्केमा:सा छुं हे याय्गु अधिकार मडु। थ्व संविधानं नेपा:या

सनातन धर्मया रक्षा याय्गु धाइ। थ्व मौलिक अधिकार नं ख:।

थौं सरकारयाके अवश्य न संख्याया आधार दुईतिहाई दु। लिपा प्यव्वय् स्वव्व नं दइ वा फुकक छू हे पार्टीया जुइफु, अथे धाय् व संविधानय् दुगु सुयागु न अधिकार हनन् याय् दइमखु। आ: संसदय् व:गु विधेयक मखुगु नियतं व:गु दु। थुगु गुथिया समस्या अलग हे दु।

थुगु गुथि विधेयक सु नं किसानया निति व:गु धका: किसानत भुकके मज्जा ज्यू। म्हिग:या बुटवलया सुकुम्बासीं थौं बालुवाटारया जग्गा न्यात। थथे नक्कलि सुकुम्बासीतय्गु निति व:गु ख:, थ्व विधेयक। थ: परिवार, कार्यकर्ता पासार्पिं व

भूमाफियातय्गु निति व:गु ख:।

थन जुयाच्वंगु आन्दोलनय् व:पिं सरकारी ध्य: नया: व:पिं अरिगाल मखु, थ:गु सम्पदा, गुथिया रक्षाया निति फुकक सीमा हाचां गाया: व:पिं ख:। उकिं आन्दोलन यानाच्वीपिं आदिवासी नेवा:तयत्त यक्व महायुकेत इनाप यानाच्वना।

स्वनिग:या नेवा:तसें यक्व माया याय् स:, तर थ्व न लुमकादिसें कि थनयापिं तंचाल कि उमिसं भभ्भ न याय् य:। उकिं थ्व विधेयक स्थगित जक मखु, लित हे काय्मा:।

(वंचलय् माननीय सांसद गगन थापां गुथि विधेयक विरुद्ध बियादीगु न्वचुया लिधंसाय्)

राम प्रजापति
प्रोप्राइटर

हारी मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

आयो नून खाउँ स्वस्थ रहौ

आयो नून खाउँ आयो युव-यसले स्वस्थ रहने ज्ञान

आयो नूनको कमीबाट हुने विकृतिहरू:-

१. उच्च रक्तचाप (ब्लड प्रेशर) बढ्नु, हृदय रोग बढ्नु।
२. अस्थि कमजोर भई पछि पछि कमी लाग्नु र हड्डी टुट्नु।
३. नसायुक्त कमी, सुस्कारोन्मी हुनु।
४. अस्थिमा कमी (Osteoporosis) हुनु।
५. अस्थिमा कमी हुने रोग बढ्नु (जस्तै: अस्थिमा कमी हुने रोग)।
६. अस्थिमा कमी हुने रोग बढ्नु (जस्तै: अस्थिमा कमी हुने रोग)।

आयो नूनको कमीबाट हुने विकृतिहरू:-

आयो नून को कमीबाट हुने विकृतिहरू:-

आयो नून खाउँ आयो युव-यसले स्वस्थ रहने ज्ञान

आयो नून को कमीबाट हुने विकृतिहरू:-

आयो नून खाउँ आयो युव-यसले स्वस्थ रहने ज्ञान





स्वम्ह चिबाखंमिलिसे खँल्हाबँल्हा



निजिरोस श्रेष्ठ

चिहाकल बांलाक न्ह्याइपुसेचक प्रस्तुत जुयाचवनी । थ्व नं मेमेगु रचनार्थे सशक्त गद्य रचना दुने लाः ।

नेपालभाषा साहित्य चिबाखंया अवस्था गथे दु ?

नेपालभाषा साहित्यया चिबाखंया इतिहास ताःहाकः मजूसाने.सं. १०६७स चित्तधर हृदयया खुपु बाखंया पिहां वयधुंक्नु दु । थुबलय चिबाखंया अलग्ग हे पहिचान दयकेधुंक्नु खनेदु । वि.सं. २०४६ सालया राजनीतिक ह्युपाः लिपा चिबाखंया लहर हे वःगु खनेदु । गुकिं यानाः नेपालभाषा चिबाखंया क्षेत्र समृद्ध जुजुं वंगु खनेदु ।

नेपालभाषा चिबाखं धातं चिबाखं मजूसं चिहाकःगु बाखं जुयाचवंगु दु । छिगु छु बिचाः दु ?

खःला पाश्चात्य साहित्यया समालोचकतयसं बाखं व चिबाखंयात अलग्ग हे दृष्टिकोणं स्वयाचवंगु म्दु । विश्व साहित्यया परिभाषाय बाखंयात “शर्ट स्टोरी” धकाः धयाः तःथें चिबाखंयात नं व हे बाखंया रूपय स्वयातःगु खनेदु । तर नेपाल, भारत व मेमेगु जःलाखःला देसय धाःसा थ्वयात बिस्कं हे कयातःगु खनेदु ।

चिबाखं धइगु छु खः ?

चिहाकःगु बाखंयात चिबाखं धाइ । थ्व विशेष इलय पिहां वइगु भाव, घटना वा विचारया तथ्ययात म्हो खँवल, म्हो इलय संयोजन याइगु छू प्रभावकारी अभिव्यक्ति खः । चिहाकः जूसाने चिबाखनय पूर्णता दइ । थुकी सरल शैली, सांकेतिक भाषा, गम्भीर अर्थ, व्यंग्यात्मक प्रस्तुति, प्रतिक्रमक आकृति आदि छ्यलातःगु दइ । थुकिया स्वाद नं ताःहाः बाखंया स्वाद स्वयां म्हो जुडमखु । चिबाखनय तःधंगु चीज नं



शरद कसाः

यक्व घटना छसीकथं क्यनाः जीवनया छू पक्ष वा छू समस्याया किपाः ब्वयगु ज्या चिबाखनं याइ ।

नेपालभाषा साहित्य चिबाखंया अवस्था गथे दु ?

नेपालभाषा साहित्यय चिबाखनय ल्हाः न्ह्याकूपिं धुस्वां सायूमि, दुर्लभलाल सिंह आदि वरिष्ठ च्वमिपिं निसं कयाः थौं अपालं न्हून्हीपिं च्वमिपिं खनेदया वयाचवंगु दु । थ्व भीगु भाषाय चिबाखंया च्वज्या न्ह्याःगु धइगु अथे हे ६५/७० दैति दत धायुमाल । सफू पिथनाया ल्याखं थंमथंयं स्वंगु दर्जनति जक दु । अथेसां च्वमित धाःसा म्हो मजु । अपालं पत्र-पत्रिकाय चिबाखं पिदनाचवंगु दु । साहित्य लेखनय न्ह्याबलें थीथी पक्षय थःलाःक्वःलाः जुयातुं च्वनी । नेपालभाषाया चिबाखंया ख्यलय नं अथे हे खनेदु । थ्व स्वाभाविक नं खः । अथेसां समग्रय धायुगु खःसा भीगुचिबाखंया अवस्था खनाः निराश जुइमाःथें मताया ।

नेपालभाषाया चिबाखं धातं चिबाखं थें मजूसं चिहाकःगु बाखं जक जुयाचवंगु दु, छिगु छु बिचाः दु ?

‘शर्ट स्टोरी’ विधाया संस्थापक व



रयाम आशा

च्ययगु बाखं हे चिबाखं थें च्वं । चिबाखं दुने ध्याचू सामाजिक, राजनीतिक, न्ह्यागु नं जुइफु । बिकृति, बिसंगति, बिडम्बना उजागर यायगु भतिचासां नुगलय थुंदिक्केगु चिबाखंया मू सार खः ।

नेपालभाषा साहित्य चिबाखंया अवस्था गथे दु ?

नेपालभाषा साहित्य चिबाखंया नामय दकलय न्हापां च्वयादीम धुस्वां सायूमि खः । उकिं लिपा यक्व हे न्हून्हीपिं च्वमिपिं खनेदत थ्व लसताया खँ खः । आः नं यक्व न्हून्हीपिं च्वमिपिं वयाचवंगु दु । जितः ताः थौंकन्हय चिबाखं च्वयगु लहर हे वइचवंगु दु । जिं स्वयं, चिबाखंया विकास जुयाचवंगु दु । छम्ह चिबाखं च्वमिया नातां जिगु नितिं थ्व लसताया खँ खः ।

चिबाखं धइगु छु ?

छु नं बाखंयात म्हो खँवल बःचाहाकलं स्याचुकक सकसिनं थुइकथं

बांलाःमह मिसा

पुष्या मनया खँ ।

आः वं कःसिं कःसिं हे तःधिकःमह मिसामचायात थःपाखे आकर्षित यायत कुतः यात । म्हामि चट्ट च्वमि हायण्डसमह पुष्य खनाः व मिसा नं मख्ख हे जुल । अलय व मिसाया नां संगीता धकाः नं सीकल । आः इमि कःसिं कःसिं हे जूगु यःत्यः भन् भन् ब्वलना वल । घण्टौ इमि मिखा त्वाकाः च्वनीगु जुल । इमिगु मतिना भयभय हे बिल । संगीताया छँजःपिनि धाःसा इपिं अथे सनाजुगु स्वयां स्वयं हे मफुत ।

छन्हु संगीताया मांबौ नं पुष्यात फोन यात । इमिगु हे इहिपाःया प्रस्ताव तल । पुष्याया ला “चागःचा मालाः देगःचा लूथें” धाथें का । वं सहस्र स्वीकार यात । आ वयात थः मांबौ ब्वनाः हिं धकाः धयाछवत । पुष्य मख्ख जुल । आहा ! बांलाःमह मिसा नं दइगु, अलय म्हाय्य जक दुथाय जुयाः लिपा सम्पति नं दइगु जुल बा । आःयात धाःसा बालं नं

च्वनाः नयमाली मखुत नि धकाः मति तयाः मन याउंकल ।

थौं पुष्य थः मांबौयात गामं सःताः संगीताया छँय खँल्हा वन । औपचारिक ब्यवहार याय सिधयकाः इमि खँल्हाबँल्हा जुल । पुष्य थःगु छँया बारे कन । अलय संगीताया ड्याडी नं संगीताया बारे खँ कना हल,

– स्वइदिसँ पुष्य भाइ, थ्व संगीता जिमि म्हाय्य हे बराबर । वयात जिमिसं ममि, ड्याडी हे धायका तयागु दु । यक्व दत थ्व छँय ज्या यानाचवंगु । तर गबलें हे ज्या याइमह भाः मपिया । जिमि म्हाय्य लयता बराबर यानाः नकाः, पुंकाः तयागु दु । वया मांबौ निम्हं म्दु खं ला । जिं प्रष्ट याना बियागु न्हे । लिपा हाकनं उखे थुखे मजुइमा धकाः ।

संगीताया ड्याडीया खँ न्यनाः पुष्या मांबौ मौन, पुष्य वाताहाँ । अलय वया थःमहेस्यां थःत तुं म्वाय चुइके मास्तेवल ।

उकिं थ्व छु खः धइगु प्रष्ट यायत इलय ब्यलय खँल्हाबँल्हा यानाः सहमतिकथं न्ह्याः वनेमाःगु खनेदु ।

नेपालभाषाया चिबाखंया विकासया नितिं छु उपाय दु थें च्वं ?

नेपालभाषाया चिबाखं थकायगु नितिं

इलयब्यलय अन्तरक्रिया, गोष्ठि, सेमिनार थेंजाःगु ज्याइवः न्ह्याकाचवने फत धाःसा नेपालभाषाया चिबाखं थकायुं फइथेंजितः ताः ।

हासापसः

मिहगः नेवाःतयत गःपः तियाः शाहयसं राज्य लाकाल । छुं ई राणा शासन वल धाल । नेवाःत हे शहीद जुयाः राणातयगु ल्हातं सत्ता स्वब्याकाः कन्यादान बीथें शाहयगु ल्हातय सत्ता लःल्हानाबिल । थुकियात तःजिगु प्रजातन्त्रया खोलं भुनाबिल । तांन्वया वइबलय सिलः प्यंकाख्य थें थ्व खोल वांछवयाः पञ्चायती ब्ववस्था देययात त्वपुयाः कुकुबिल । थ्व नं मजियाः हाकनं नेवाःत हे न्ह्याचिलाः बहुदलीय प्रजातन्त्र धाःगु हयाबिल । थुबलय नं न्या कायथें खँयैय कायथें सत्तायात लाकालुकु जक

यानाबिल । अलय भिनिदें दसेलि नेता धाःपिन्त म्वाय चुइकाः जुजुं सकतां थःमहं कयाः संसारयात थःगु किसि न्हाय ब्वयाक्यन । थुलि जुसेलि सकसितं प्यनय मिं पूथें सहःयानाः सहः याय मजियावल । थःपिन्सं जक मफइगु खने दयवं जंगलय च्वपिन्त नं शहरय क्वतहल । हे जक मचात दँदं धकाः ह्ययकाः नेवाःतयत नं थन । अनं लिपा खुसिवाः वयथें नेपालय लोकतन्त्र वल, गणतन्त्र वल, न्ह्यु नेपाल वल, छु वल छु वल पत्याः मजुइक देसय जंगलय च्वपिनिगु हे राजवल । थ्वया लिसें क्वःबुइँचा वय थें अनं वः थन वः मदयक

मनुत वयाः स्वनिगः त्वपू वयाबिल । आः स्वःस्वःथाय भाइसथें थुपिं जक वाल्ल खने दयाच्वन । बागमती स्व, पशुपति स्व, स्वयम्भू स्व, लँय स्वः, तिंख्यलय स्व, फल्चाय स्व, सतलय स्व, न्ह्याथाय स्व थुपिं जक ।

थौं नेवाःतय वा वल, फय वल आजु मवःनि धायथें छुं आजु धयागु दुगु मखु । न्हापानिसें हासापसः चायकेथें खलः, पुचः जक ग्वाःग्वाः चायकाः थःत ब्वयाच्वन तिनि । न्ह्याबलें सामान नं उलि हे, न्याःवइपिं गाहाःत नं उलि हे । न सामान अप्वयकेफु, न गाहाःत हे ।

आविष्कारक अमेरिकी च्वमि एड्गार एलान पोया धापूकथं शर्ट स्टोरी धयागु मनुया जीवन सम्बन्धि ‘स्टोरी’ खः, अर्थात ‘स्टोरी’या टेकनिक ड्रामा व नोबेलया विषयवस्तु ज्वनाः च्वयातःगु खः, छापूकथं थ्व न्ह्यु हे साहित्य विधा खः । थ्व हे धापूया लिधंसाय प्रा. माणिकलाल श्रेष्ठ शर्ट स्टोरी धयागु न्ह्यु युगया स्टोरी वा आधुनिक स्टोरी जक मखु, छापूकथं ‘स्टोरी’ नापं तसकं हे पाःगु (स्टोरीया

शैलीजक काःगु, विषयवस्तु मेगु हे कथंया) न्ह्यु हे विधा खः । अथे जूगुलिं थुकियात भीगु भाषाय ‘चिबाखं’ म्हासे ‘न्हूबाखं’ धायगु उपयुक्त ताया धकाः धयादी ।

नेपालभाषाया चिबाखं विकासया नितिं छु उपाय दु थें च्वं ?

दकलय न्हापां सिर्जना माल । अथे धइगु च्वमिं च्वयमाल । अनं पिथने माल । च्वःगु

बाखं पिहांवय माल । नापनापं न्ह्यव्वय नं माल । थौं कन्हय थ्व ‘सः छू फरक अभिव्यक्ति.....’पाखें जुयाच्वन । थ्व छू न्ह्यव्वयगु दबू जुल । थ्वया लिपा लँज्याना माल । थ्व च्वमिपिन्त हनेबहःपिनिपाखें खःगु लँपु क्यने माल धइगु खः । थुकी कार्यशाला गोष्ठी, च्वज्या धेंधेंबल्लाः आदि ग्वसाः ग्वइगु दबू दत धाःसा भीगु चिबाखं नं अवश्य विकास जुइथें च्वं ।

मन्त्रीजुया विकास

“सुनां धायफु विकास जूगु म्दु धकाः ! विकास मजु धाइपिनि मिखा म्दुथें च्वं ।” मन्त्रीजुं थःगु तःग्वःगु प्वाः उंसिउंसि यानाः पि.ए.यात स्वयाः न्ह्यसः तल । “छाय अथे हालादियागु छि ?” ल्हाः ब्वब्व स्यानाः पि.ए. ग्यायां न्ह्यसः तल ।

“का, स्वरे ! विकास मजुल विकास मजुल हँ । हालाचवंगु दु कि दु । यदि विकास मजुगु खःसा

साइनबोर्ड च्वइपनिगु पसलय, उद्योगया बोर्ड च्वक वःपिं भिडभाड अथें जुइला ? अलय अथें फ्लेक्सबोर्ड दयक वइपिं भिडं भिड ग्वाःग्वाः दइला ? बिकासया सुरुवात हे नकतिनि जुल । व नं जिपिं सत्ताय वसां निसें तिनि । थ्व छु बिकासया सुरुवात मखु ला ?”

मन्त्रीजुया खँ न्यनाः सुनां हे छुं लिसः बिइ मछाः । फुक्कं त्वाल्ल च्वना मन्त्रीजुया ख्वाः स्वयाच्वन ।

‘सः छू फरक अभिव्यक्ति’पाखें चिबाखं साहित्य विकास यायगु मदिकक ज्याइवः

न्ह्यानाचवंगु नं लसताया खँ खः । ख्वपय चिबाखं सिरपा? नं स्वनेधुंकल ।

सत्यमोहन जोशीयात किपुली तःजिक अभिनन्दन

यै। वाङ्मय शताब्दी पुरुषनापं वरिष्ठ संस्कृतिविद् डा. सत्यमोहन जोशी संसदय प्रस्तावित गुथि विधेयक गथे खः अथे हे पारित जुल धाःसा स्वनिगःया संस्कृति व सम्पदा न्हावनीगु धयादीगु दु।

किपू नगरपालिकाया नगामय् डा. जोशीयात याःगु नागरिक अभिनन्दन ज्याइवल्य वयकलं उगु खँ धयादीगु खः। डा. जोशी गुथिलिसे स्वनिगःया भावना स्वानाच्चंगुलिं अनया मन्तयगु भावनालिसे खेलवाड मयायत तक इनाप यानादिल।

ज्याइवल्य संघीय सांसद राजेन्द्र के.सी., प्रदेश सांसद पुकार महर्जन, किपू नगरपालिकाया प्रमुख रमेश महर्जन व किपू वडा ल्याः ९या वडाध्यक्ष गंगाराम महर्जन किपूमिपनिगुपाखें नागरिक अभिनन्दन याःगु खः।

सत्यमोहन हना खलःया ग्वसाः व नेवाः एफ.एम. अनक मिडियाया संयोजनय् जूगु



उगु ज्याइवल्य अभिनन्दन यायुगु नितिं किपूया लोकतान्त्रिक चुकानिसें साँस्कृतिक बाजिलिसे नगर परिक्रमा याकूगु खः। वयकःयात अर्मासि, न्हूबजाः, तगःवःपि, जुयाः नगांया बालकुमारीइ च्वंगु बाघभैरव ब्याङ्केट

थ्यंकाः अभिनन्दन याःगु खः। ज्याइवल्य किपुली क्रियाशील सामाजिक संघसंस्था, परम्परागत गुथि, दाफा गुथिलिसें मिसा पुचःपनिगु न्हयथनेबहःगु उपस्थिति दुगु खः।

तःजिक क्वचाल स्वयम्भूराजया सांगीतिक सनिल



स्वंगु दशकया दुने सृजना जूगु लो कंवाःगु १४ पु म्ये थुगु ज्याभूवल्य न्हयबवादीमह म्येहालामि स्वयम्भूराज जं रतन अति हे जि यःमह, जि के न भतिचा माया, छं मुसुं न्हिला स्वःसा, अय मयजु थन छकः स्व, मुसुक न्हिला हुँ, भिद्यः गुथियागु मूसःगु अयला, ओ प्रिय लिफः स्वयाः, घण्टाघरया क्वय, वया ला छ थन माया मदुमह, जात्राया हुलय्, मिलेजूमह पासाया इहिपाया भव्य वना म्ये न्यंकादीगु खः। रेडियो नेपालय् स्वर परीक्षा उत्तीर्ण जुइयुंकाः रेकर्ड जूगु न्हापांगु म्ये “तिमीलाई मैले चिनेर पनि”, माइतीघर साँकिपाया “नमान लाज” व नारायण गोपालया जीवनय् गुबले छकःसां म्ये न वयकलं न्यंकादिल।

देसार, चन्द्रमान शाक्य ज्वःम्येय् साथ बियादिलसा स्वयम्भूराज शाक्य लसय् हनादीगु लोकंवाःगु म्ये “घण्टाघरया क्वय” सुमन कपाली व नीशा देसार न्यंकादिल। भूनेन्द्र बज्राचार्यया संयो जनय् अनुप दास, ज्योति धिमरे, रविन कार्कीढली, लक्ष्मी डंगोल, गौतम श्रेष्ठ, तेज श्रेष्ठ, सम्पूर्ण लामा, इन्द्रमान सिँह वाद्यवादनय् साथ बियादिल।

ज्याभूवः संचारकर्मी सुरजवीर बज्राचार्य न्हयाकादीगु खःसा मंगल इन्टरटेनमेन्ट (लिटिल स्टार रेकर्डस्) या ग्वसालय् जूगु थुगु ज्याभूवः म्ये हालामि स्वयम्भूराजया जन्म जूगु त्वाः यलया हःखाय् जूगु खः। थुगु ज्याभूवः स्वयम्भूराज शाक्यया प्यक्वःगु याकः सांगीतिक सनिल खः।

गुथि विधेयक २०७५ विरुद्ध जूगु ज्याइवः

गुथिया विधेयक विरुद्ध सघष यायत कमिति नीस्वन्

संसदय दर्ता जुइयुं गुथि विधेयकया विरुद्ध सघष यायत कमिति नीस्वंगु दु। ल्यायुमहपि नेवाः न्हयलुवात मुनाः राष्ट्रिय पहिचान संयुक्त सघष समिति नीस्वंगु उगु समितिया संयो जककथं गणपतिलाल श्रेष्ठयात ल्यःगु दु। थौं थीथी लागया ल्यायुमह न्हयलुवापि च्वनाः याःगु छगू मुँज्या समितिया संयोजकय् श्रेष्ठयात संयोजककथं ल्यंगु दु। आः “भनीगु अधिकारया नितिं भनी दनेमाल” धइगु सन्देश बीगु न समितिया काजि श्रेष्ठ धयादीगु दु।

गुथि विधेयक विरुद्ध मैनमतयाः पिहां वल

राष्ट्रिय पहिचान संरक्षण संयुक्त सघष समितिया ग्वसालय् वंगु बुधवाः सनिलय् यँया जुद्ध सालिक न्हूसतक छगू मोबाइल मत व मैनमत च्याकाः विरोध जुलुस पिहां वल। ‘गुथि विधेयक खारेज या’ धइगु मू नारा थव्य काः उगु जुलुस पिहां वःगु खः। उगु च्यालि यँया जुद्ध सालिक न्हूसतक न्ह्याःगु जुलस ओमबहाः, यंगाः लंग, बम्हत्वाः, ह्यूमत, भिद्यः त्वाः, मरु, यतखा, न्यत, थायमदु, असं, बालकुमारी जुयाः वधं जुया जुद्ध सालिकय् सभा जुयाः क्वचाःगु खः।

गुथि सम्बन्धि विधेयक वार्तापाखें ज्यंकेत मानवाधिकार आयोगया इनाप

राष्ट्रिय मानव अधिकार आयोगं गुथि

सम्बन्धि विधेयकया विषयस खनेदुगु समस्या ज्यंकेगु नितिं वार्ता वा संवादपाखे लँपु मालेत सरकारयात इनाप याःगु दु। गुथि सम्बन्धि विधेयकयात कयाः संघर्षय् वःपिन्त सरकारं बल छ्यःगुयात कयाः आयोगं छगू विज्ञापित पिथसें सरकारयात थुकथं इनाप याःगु खः। आयोगया निर्देशक डा. टीकाराम पोखरेल पिथंगु विज्ञापितइ शान्तिपूर्ण प्रदर्शन याय् दइगु नागरिकया अधिकारया सम्मान याय् सरकारयात इनाप यानातःगु खः। अथे हे धाःपाः जूपिनिगु स्वास्थ्य उपचार याय् व दोषीयात कानूनी कारवाहीया दायराय् हयाः वार्ता यायुगु नितिं आयोगं सरकारयाके माग याःगु खः।

मंगलबजारय् मसाल जुलस पिहां वल

गुथि विधेयक लितः काय्माःगु माग यासें यलया मंगलबजारय् तःधंगु मसाल जुलस पिहा वःगु दु। वंगु शुक्रवाः सनिलया ६:३० ताः इलय् पिहां वःगु उगु मसाल जुलसय् संलसः मन्तय् ब्वति दुगु खःसा उगु जुलसपाखें गुथि विधेयक लितकाय् माःग याःगु खः। नेपाःया सम्पदा, संस्कृति गुगु न हालतय् न्हंके दइमखु धासें पिहां वःगु उगु जुलसय् गुथि विधेयक हःगु सरकार, प्रधानमन्त्री, सञ्चारमन्त्री व गृहमन्त्रीया विरुद्ध नाराबाजी न याःगु खः।

गुथि विधेयक विरुद्ध च्यालि

गुथि विधेयक विरुद्ध वंगु सञ्चरवाः

ज्यापु महागुथि नेपाःया आह्वानय् द्वलंढः नेवाःतय् सतकय् कुहां वःगु दु। यँया न्हूसतकय् च्वंगु जुद्ध शालिकं न्ह्याःगु उगु विरोध च्यालि कुमारी चाःहिलीगु रुकथं चाःह्युगु खः। विरोध च्यालिइ गुथि विधेयक खारेज याः, नेवाः संस्कृति न्हंके दइमखु, भूमाफिया होशियार, नेवाः एकता जिन्दावाद, त्वाः त्वालं नेवाःत फुककं कुहां वय्माल आदि नारा थव्यकाः सरकारयात सचेत याःगु खः। नेवाः न्हयलुवा, नेवाः कार्यकर्तात नाप यँया थीथी परम्परागत ज्यापु त्वाःया गुथ्याःपिनिगु ब्वति दुगु उगु ज्याइवः बसन्तपूया महाद्यः पार्वती दबुली थ्यंकाः क्वचाःगु खः। महाद्यः पार्वती दबुली याःगु विरोध सभाय् ज्यापु महागुथि नेपाःया नायः राजभाइ जकःमि, नेवाः देय् दबुया नायः नरेश ताम्रकारलिसें सम्बोधन यानादीगु खःसा सभापाखें विधेयक खारेज यायुमाःगु माग यासें बुधवाः माइतीघर मण्डलाय् सुथय् ११ताः इलय् जुइगु विरोध प्रदर्शनय् मुनेत न आह्वान याःगु खः।

गुथि विधेयक विरुद्ध धर्ना

महाद्यः पार्वती देगलय् गुथि विधेयक विरुद्ध वंगु सञ्चरवाः सुथय् धर्ना च्वंगु दु। उगु धर्ना सुथसिया ८ताः इलनिसे न्ह्याःगु खः। धर्ना ज्याइवः गुथि विधेयक २०७५ खारेजी अभियानया ग्वसालय् जूगु खःसा धर्ना ज्याइवल्य नेपाली कांग्रेसया नेता नबिन्द्रराज जोशी न ब्वति कयादीगु खः।

माइतीघर...

लिपांगु इलय् वयाः गुथि विधेयक विरुद्ध प्रमुख प्रतिपक्ष दल नेपाली कांग्रेस संसद अबरुद्ध व संसदय् सः तयुगु नापनापं आः वयाः सतकय् तक थःपिनिगु सः थव्यकेगु ज्या यानाहःगु दु। अथे हे राष्ट्रिय प्रजातन्त्र पार्टी न सतकय् कुहां वःगु दुसा थुगु विधेयकया विरुद्ध सत्ता साभेदारी दल समाजवादी पार्टी नेपालया नेतातय्सं तक सार्वजनिकरुपं विधेयकया विरुद्ध न्वाःगु दु। उलि जक मखु, सरकारया नेतृत्व यानाच्चंगु पार्टीया नेतात, उगु पार्टीया सांसदनिसें प्रधानमन्त्री केपी शर्मा ओली तक गुथि विधेयकयात कयाः सार्वजनिकरुपं न्वायत बाध्य जुयावःगु दु। बास्तवय् थुकथं नेतातय् न्वायत नापं विरोधया सः थव्यकेत बाध्य जूगुया मू कारण धइगु सतकय् आन्दोलन भन् भन् तच्चया वंगुलिं खः।

कन्हय् असार ४ गते जुइगु प्रदर्शन गुथि

विधेयक विरुद्धया दकलय् तःधंगु प्रदर्शन जुइसा उगु मंकाः प्रदर्शन आन्दोलनयात न्ह्यु उचाइलय् थ्यंकाबीगु न आन्दोलनकारीतय्सं विश्वास याःगु दु।

सरकारं ...

प्रतिनिधितय् मन्त्रीयात नापलाके यंकेगु, विधेयक लित काय्माः धकाः व हे पार्टीया नेतातय्सं न्वायतय् तक याःगु खनेदु। ब्यागलं ब्यागलं नेतात व सांसदनिसें मन्त्रीतय्सं छक्कलं सार्वजनिककथं न्वावनादीगुलिं बास्तवय् वर्तमान ओली सरकारया नेतृत्व यानाच्चंगु नेपाल कम्युनिष्ट पार्टी (नेकपा) दुने गुथि विधेयक विरुद्धया आन्दोलनपाखें तःधंगु लिचवः लाकाच्चंगु नापं पार्टी दुने न तःधंगु विवाद ब्वलना वःगु स्पष्ट जूगु दु।

गुथि विधेयक लित काय्माल धाःसा

पत्रकारतय्सं मिडिया काउन्सिल विधेयकया विरुद्ध आन्दोलन यानाच्चंगुलिं उगु विधेयक न लित काय्मालीगु अवस्था वइगु, मानव अधिकार सम्बन्धि विधेयकयात न कयाः विरोध यानाच्चंगु अवस्थाय् व न लित काय् मालीगु अवस्था वय्फु। यदि थथे जुल धाःसा सरकार विधेयक दर्ता याःसां आन्दोलनया कारणं लित काय्मालीगु अवस्था भन् भन् अप्पया वइगु नापं दुई तिहाईया सरकारया नितिं तःधंगु नैतिकताय् तक समस्या वइगु जुयाः सरकार थ्व सवालय् गम्भीर जुयाच्चंगु श्रोत न्हयथंगु दु। उकिं गुलिफु उलि आन्दोलनकारीतयुगु मागयात सम्बोधन याय्कथंया संशोधनया लँपुइ वनीगु संभावना दुगु नेपाल कम्युनिष्ट पार्टी (नेकपा)या छम्ह नेता धयादीगु दु। तर कन्हय् असार ४ गते बुधवाः माइतीघर मण्डलाय् जुइगु प्रदर्शनया आधारय् जक गुथि विधेयकया आन्दोलन व वार्ता गुडेपाखे वनी धइगु क्वःजी।

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनीर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्याटिङ पनि गरिन्छ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछें, पाको, न्हूसतक, यँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

शिक्षालाई सीपसँग, सीपलाई उत्पादनसँग, उत्पादनलाई बजार तथा बजारलाई रोजगारीको अवसर र आर्थिक विकाससँग जोड्ने अभिप्रायले नेपाल सरकारद्वारा गठित कार्यदलले मानव संसाधनको आँकलन तथा प्रक्षेपण कार्य गरिरहेको सन्दर्भमा नेपाल सरकार शिक्षा, विज्ञान तथा प्रविधि मन्त्रालय र सङ्घीय मामिला तथा सामान्य प्रशासन मन्त्रालयको वेभसाइट मार्फत वा www.hrp.gov.np मा रहेको online विवरण तथा सुझाव संकलन फारम योग गरिदिनुहुन अनुरोध गरिन्छ।

Email: hrp@moest.gov.np
Toll Free No.: 16600100382

नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

न्हूसतकय् स्मार्ट पार्किङया व्यवस्था



न्हूसतकया धर्मपथ व विशालबजार न्ह्यःने स्मार्ट पार्किङ व्यवस्था शुरु याःगु दु । विशेष ज्याभ्वलय् महानगरया प्रमुख विद्यासुन्दर शाक्य पिओयस मेसिनपाखे

क्युआर कोड बिल प्रिन्ट यानाः सेवा न्ह्याकादीगु खः । महानगरं बिल्स टूली योर्स प्रा. लि. नाप सहकार्य थुगु सेवा शुरु याःगु खः ।

उगु ज्याभ्वलय् मेयर शाक्य स्थानीय व सरोकारवाला नाप यक्वः ई छलफल यानाः सेवा सञ्चालन न्ह्याकेगु निष्कर्षय् थ्यंगु खः धका धयादिल । आः न्हूसतकय् निगू खण्डय् शुरु यानाः सेवा न्ह्याकूसे आःया लागि प्युखा, खिचापूखु, धर्मपथ, पाक्वः व दरबारमार्ग लागाय् व्यवस्था याःगु दु ।

सूचना प्रविधि संयोजक हरिश अग्रवाल सेवापाखे सहरी पार्किङ अस्तव्यस्तताया सुधार हयेगु प्रयास यानागु धकाः धयादिगु खः । थुगु योजना दक्व थासय् न्ह्यातकि छक्कल करीव ८०० गः मोटरसाइकल व ४० गः गाडी पार्किङ मोवाइलपाखे गन पार्किङ दु अन थासय् बुकिङ याय्फइ । थुगु पार्किङपाखे मोटरसाइकला लागि छथौया २५ तका, गाडीयाया लागि छथौया ८० तका शुल्कया व्यवस्था यानातःगु दु ।

हितकरया बाखं 'मिजला' अंग्रेजी भाषं पिहांवल



बाखं च्वमि हितकरवीर सिंह कंसाकारं करिव पीगुदै न्ह्यः च्वयादीगु बाखं मुना सफू 'मिजला'यात भाय् हिला अंग्रेजी भाषं सफू छगू ज्याभ्वः दथुइ पितब्वज्या जूगु दु ।

नेवाः अमेरिकन दबू, सिकागोया ग्वसालय् येँया च्वसापासाय् छगू ज्याइवःया दथुइ मूपाँहा प्रो.डा. तेजरत्न कंसाकार व प्रो.डा. सुन्दरकृष्ण जोशी मकाः कथं पितब्वज्या यानादीगु खः । च्वसापासाया

नायः भुषणप्रसाद श्रेष्ठया सभाधक्ष्यताय् जूगु उगु ज्याभ्वलय् मूपाँहापिं प्रो.डा. कंसाकार व प्रो.डा. जोशीं नुगः खँ तयादीगु खः ।

बाखं च्वमि हितकरवीर सिंह कंसाकारं थःमहं च्वयादीगु सफू बारे न्ववानादीगु खःसा ज्याभ्वः शशीकला मानन्धर न्ह्याकादीगु खः । अथेहे उगु सफू अमेरिकाय् नं छगू ज्याभ्वः यासे पितब्वज्या याइगु जूगु दु ।

डा.मनोजमानया नेतृत्वय् छत्रपाटी चिकित्सालय

छत्रपाटी निःशुल्क चिकित्सालय (अस्पताल)या गुक्वःगु साधारण सभां डा.मनोजमान श्रेष्ठया नेतृत्वय् न्हूगु ज्यासना पुचः ल्यःगु दु । उगु साधारण सभाय् डा.मनोजमान श्रेष्ठ अध्यक्ष पदया लागि २५६ मत हयाः निर्वाचित जुगु खः । वयकःया प्रतिद्वन्द्वि बिद्या बनमाली प्रधानं २०० मत कयादीगु खः ।

अथे हे उपाध्यक्ष कुमारदेव मानन्धर २६१ मत, महासचिव राजेन्द्रप्रसाद मानन्धर २३५ मत, कोषाध्यक्ष सजनी जोशी २३१ मत व सहकोषाध्यक्ष कृष्णप्रसाद मानन्धर २४० मत हया निर्वाचित जुयादीगु खः । अथेहे दुजलय् जगदीस माली,



सुमनकृष्ण श्रेष्ठ, जुजुकाजी महर्जन, सुचेनमान माली व कपिल श्रेष्ठ निर्वाचित जुयादीगु दु । साधारण सभाय् सचिव हरि

उं महर्जन निर्बिरोध निर्वाचित जुयादीगु खः । प्यदैया लागि जुगु उगु साधारण सभाय् मुक्क ४९१ मत कुहावःगु खः ।

भित्तुना देखाना



जि तसकं स्याःन्याम्ह पासा

राजेन्द्र दास श्रेष्ठ

प्राइम कमर्सियल बैंकया अध्यक्ष

पदय् निर्वाचित जूगु लसताय भित्तुना देखासें वयकःया कार्यकाल सुथालाक्क न्ह्याय्मा धकाः कामना याना ।



सुरबहादुर श्रेष्ठ, नायः

न्हूजः गुथि, सकल जः

भित्तुना



थुगु वाःपौया भिचितामि, ग्वाहालिमि

राजेन्द्र दास श्रेष्ठ

प्राइम कमर्सियल बैंकया अध्यक्ष

पदय् निर्वाचित जूगु लसताय भित्तुना देखासें वयकःया कार्यकाल सुथालाक्क न्ह्याय्मा धकाः कामना याना ।



लहना वाःपौ सकल जः

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।



विगतव
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323